

Broj: 03-2-20/7-800/20 J.J.

Sarajevo, 13.07.2020. godine

Na osnovu člana 9. Pravilnika o uređajima za aplikaciju fitofarmaceutskih sredstava („Službeni glasnik BiH“, br. 84/13), Federalno ministarstvo poljoprivrede, vodoprivrede i šumarstva r a s p i s u j e

**JAVNI POZIV  
ZA DOSTAVLJANJE PONUDA ZA VRŠENJE REDOVNIH PREGLEDA UREĐAJA  
ZA APLIKACIJU FITOFARMACEUTSKIH SREDSTAVA NA TERITORIJI  
FEDERACIJE BOSNE I HERCEGOVINE**

**I PREDMET JAVNOG POZIVA**

Predmet Javnog poziva je prikupljanje ponuda lica zainteresovanih za vršenje pregleda uređaja za aplikaciju fitofarmaceutskih sredstava na teritoriji Federacije Bosne i Hercegovine.

**II PRAVO NA PODNOŠENJE PONUDE**

Pravo na dostavljanje ponuda po ovom Javnom pozivu imaju pravna i fizička lica koja ispunjavaju uslove iz čl. 6., 7., 8. Pravilnika o uređajima za aplikaciju fitofarmaceutskih sredstava („Službeni glasnik BiH“, br. 84/13), (u daljnjem tekstu: vršioci pregleda) i uslove propisane ovim Javnim pozivom Federalnog ministarstva poljoprivrede, vodoprivrede i šumarstva (u daljnjem tekstu: Federalno ministarstvo).

**III USLOVI**

Pregled uređaja za aplikaciju fitofarmaceutskih sredstava provode vršioci pregleda koji ispunjavaju slijedeće uslove:

- 1) Vršilac pregleda mora imati u stalnom radnom odnosu sa punim radnim vremenom zaposlena najmanje dva lica, od kojih je jedno diplomirani inženjer poljoprivrede, smijer: poljoprivredna mehanizacija, poljoprivredna tehnika, zaštita bilja, ratarski, voćarsko-vinogradarski, drugi smjer biljne proizvodnje, opći smjer ili diplomirani inženjer mašinstva, kao odgovorna stručna osoba i druga osoba koja mora imati srednju stručnu spremu poljoprivrednog ili tehničkog usmjerenja u trajanju od četiri godine.
- 2) Prostorije za obavljanje redovnih pregleda moraju biti zaštićene od utjecaja prekomjerne toplote, vlage, dima, vibracija, buke itd., te se moraju redovno održavati. Radne prostorije treba da su prostrane u toj mjeri da se omogući izvođenje svih metoda redovnog pregleda i da se smanji rizik od povreda ili opasnosti za osoblje, te da se omogući slobodan i učinkovit rad osoblja. Tokom redovnog pregleda potrebno je osigurati adekvatnu ventilaciju, da ispusni plinovi ne ugrožavaju zdravlje. Treba se osigurati oprema, koja omogućava prikupljanje i povratak tekućine koja je istekla tokom ispitivanja kao i odlaganje tih ostataka tekućine.

Pregled uređaja je moguć i na otvorenom prostoru kada je potrebno sa tri strane osigurati zaštitu od vjetra. Visina vjetrobrana mora biti najmanje 4 m od zadnjeg dijela uređaja koji se pregleda. Pregled na otvorenom mora se provoditi na mjestima gdje ne postoji opasnost od onečišćenja vodenih

resursa i podzemnih voda, te mjestima koja moraju biti zaštićena od nepovoljnih vremenskih uslova. Vršilac pregleda prethodno treba usaglasiti međusobne odnose sa posjednicima parcela koje direktno graniče sa prostorom na kojem će se obavljati pregled.

Vršilac pregleda mora sam odrediti boravak i kretanje zaposlenih osoba, u prostorijama gdje se obavljaju redovni pregledi uređaja. Sva oprema za obavljanje redovnih pregleda uređaja treba da je dostupna na jednostavan način. U svim prostorijama i prostoru za vršenje redovnog pregleda kao i kod opreme, treba da se provode mjere koje osiguravaju red i čistoću.

3) Vršilac pregleda mora imati i koristiti slijedeću tehničku opremu, alat i pribor za obavljanje redovnih pregleda:

- a) uređaj za utvrđivanje poprečne distribucije tekućine kod prskalica, tj. ispitni sto sa prenosom podataka na računalo ili ispitni sto s krovčićima razmaka 100 mm i volumenom menzura do 1 litra s graničnim oznakama u vrijednosti odstupanja  $\pm 10\%$ ;
- b) ispitni uređaj za pojedinačno mjerenje protoka dizne uređaja s prenosom podataka na računalo;
- c) ispitni uređaj za utvrđivanje ispravnosti manometara s kontrolnim analognim manometrom promjera 160 mm klase tačnosti 06 ili s digitalnim kontrolnim manometrom promjera 160 mm i klasom tačnosti 005 s uvjerenjem o kalibraciji od ovlaštene institucije;
- d) ispitni uređaj za mjerenje protoka pumpe s tačnošću obimskog mjerenja do  $\pm 0,5\%$ ;
- e) prihvatne posude za prikupljanje tekućine pri mjerenjima;
- f) pumpa za vraćanje tekućine u prskalicu;
- g) ispitni uređaj za mjerenje protoka dizni atomizera s menzurama volumena 2 litra i s gravurom od 50 ml;
- h) računalo sa pisačem;
- i) odgovarajuću softversku aplikaciju uz ispitne uređaje koja omogućava prikaz i izradu rezultata pregleda;
- j) razni električni nastavci;
- k) kompresor za kontrolu pritiska u pumpama i naduvavanje bazena;
- l) sat, štoperica;
- m) kalkulator;
- n) mjerac broja obrtaja vratila priključnoga vratila traktora s tačnošću  $< \pm 2\%$ ;
- o) mjerac brzine zraka;
- p) pokretna meteorološka stanica za mjerenje osnovnih agroklimatskih pokazatelja s prenosom podataka na računalo, a posebno brzine vjetra u vrijeme redovnog pregleda uređaja;
- r) uglomjer za namještanje ugla nagiba dizne;
- s) četkica za čišćenje dizni s nastavkom za namještanje dizni;
- t) rampa za pristup vozila na testni sto;
- u) transportno vozilo ili lično vozilo s autoprikolicom radi mobilnosti zaposlenih lica.

4) Vršilac pregleda mora svake tri godine o svom trošku provesti kalibraciju opreme u akreditovanom i ovlaštenom laboratoriju što dokazuje Potvrdom o kalibraciji.

#### **IV NEOPHODNA DOKUMENTACIJA**

Podnosioci ponuda na ovaj Javni poziv, kao dokaz o ispunjavanju uslova, moraju dostaviti slijedeću dokumentaciju:

1. Rješenje o registraciji kod nadležnog organa;
2. Izjava ili drugi dokaz kojim se potvrđuje ispunjavanje uslova iz tačke III. od 2) do 4) ovog Javnog poziva.
3. Diplome za zaposlena lica;
4. Dokaz da su lica iz tačke III. 1) u stalnom radnom odnosu sa punim radnim vremenom (ugovor o radu i obrazac JS3100);

#### **V ODABIR**

Odabir vršioca pregleda vršit će posebna Stručna Komisija koju imenuje federalni ministar poljoprivrede, vodoprivrede i šumarstva (u daljnjem tekstu: federalni ministar).

Prije donošenja konačne odluke o odabiru, Komisija zadržava pravo zatražiti od podnosioca ponude dodatna pojašnjenja podnesene ponude, provjeru ispunjenosti propisanih uslova na licu mjesta, kao i pravo odbijanja pristiglih ponuda.

Komisija razmatra ponude pristigle na osnovu Javnog poziva, cijeni ispunjenost uslova za odobravanje istih, sačinjava zapisnik s obrazloženom ocjenom i mišljenjem, te isti dostavlja federalnom ministru na konačno odobravanje.

#### **VI NAPOMENA**

Svi dokumenti koji se predaju uz prijavu, kao dokaz o ispunjavanju uslova učestvovanja, moraju biti originali ili ovjerene kopije, ne starije od tri mjeseca.

Federalno ministarstvo ne snosi nikakve troškove podnosioca prijave nastale sačinjavanjem i predajom ponude.

**Rok za podnošenje ponuda je 30 dana od dana objave Javnog poziva u dnevnoj štampi.**

Sve prijave dostavljaju se s naznakom „JAVNI POZIV *Vršioci pregleda* - Ne otvarati” na adresu:

**Bosna i Hercegovina  
FEDERACIJA BOSNE I HERCEGOVINE  
FEDERALNO MINISTARSTVO POLJOPRIVREDE,  
VODOPRIVREDE I ŠUMARSTVA  
Ul. Hamdije Čemerlića broj 2  
71 000 Sarajevo**

Sve dodatne informacije vezane za Javni poziv, mogu se dobiti svakim radnim danom od 10:00 –14:00h putem kontakt telefon: +387 (0)33 726-690 ili putem e-maila: [info@fmpvs.gov.ba](mailto:info@fmpvs.gov.ba).

**MINISTAR**

**mr. sci. Šemsudin Dedić**